

**Zeitschrift:** Nebelspalter : das Humor- und Satire-Magazin  
**Band:** 86 (1960)  
**Heft:** 12  
  
**Rubrik:** Am Hitsch si Meinig

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 29.03.2025

**ETH-Bibliothek Zürich, E-Periodica, <https://www.e-periodica.ch>**



Hygiene im Schtall

Am Hitsch



si Meinig

Im Khantoon Zürri dunna, gnauar in da Gmainda Hedinga, Affoltara und Huusa am Albis, sind viar Sekhundarlehrar awägg gwäält worda. Im Khantoon Zürri ischas asoo, daß dLehrar vum Volkh gwäält wärdand. Alli sex Joor müassand dSchualmaischar beschtäätig wärda, au widarumm vum Volkh. Am Taag vor denna Waala hend a paar obarmiisi Vöögal uss denna drej Gmainda Hetzplettar gääga dia viar Sekhundarlehrar loosgloo. Darbej hend alli viar Lehrar vu da Schualpfläaga dia beshta Zügnis uusgschtellt khriagt. Iarni Schualfüarig isch khompleet in dar Ortnigg gsii - abar, sii hend a Khapitaal-Varbrähha beganga: Sii hend tummi Goofa vu «bessara» Lütt nitt in dSekhundarschual uufgnoo! Und drumm

sind dia bessara Lütt gganga, hend dia Hetz loosgloo und dia viar Lehrar sind uff d Shtrooß ussagschtellt worda. Dia gliihha Lappi, äh Lütt, hend denn noch dar Waal ärkhläärt: Miar hend üusari Lehrar gäär nitt wella awägg wääla, miar hend na nu wella a Tenkhzätal ggee! (Nitt gad gschiid, eehendar blööd.)

Sölland dLehrar hütt no durr zVolkh gwäält wärda? In da grooßa Gmainda und in da Schtädt khennt nemmli dar Shtimmbürger nu weenig Lehrar, won är wääla odar beschtäätiga sötti, pärsöönli. Är muuß sich uf dSchualpfläag varloo. Also - khönnti ma säaga - söll gad dSchualpfläag allai wääla und beschtäätiga. Well abar dSchualpfläaga politisch zemmagesetzt sind, so wääri dGfoor grooß, daß bei da Lehrarwaala zeersch druuf gluagat wird, in wellara Partej dar Khandidaat isch und siini Fähigkhaita dia zwait Rolla schpiiland. Drumm also demokhraati-

schu Volkhswaal. Daß darbej a Tail Shtimmbürger tুমmar als tumm tua khönndand, müassand miar halt in Khauf nee. Hoffand miar, dia Wäggaala vu denna viar Lehrar wärdand am ainta und andara Bürger a guati Lehr sii, daß mit am Shtimmrächt nitt darf Schindluadarej tribba wärda.


Sihhar wärdand a paar Zürhhar Gmainda froo sii, wenns aina vu denna viar Sekhundarlehrar khriagand und jeeda Lehrar wird drejmool überlegga, bevor är sich noch Affoltara, Hedinga odar Huusa mälda tuat. Laid tüand aim natüürli dSchualargoofa, wo sich säaga müassand: Üusari schwachbegabta Vätar und Shtimmbürger hend üus üusari Lehrar ewägg ggno!

PS. Im aalta Room isch zVolkh zfridda gsii und hätt gmacht, was dar Khaisar hätt wella, wenn darsäbb Brot und Schpiil glifarar hätt. Im modärna Hedinga hätt's Shtimmbürger, wo dan aigana Goofa dLehrar awägg wääland, wenn inna vuma Wirt Wurscht und Piar varschprohha wird. Piar, nitt Lindablütatee . . .

Für den eiligen Geschäftsmann  
unser rascher TELLER-SERVICE

**Braustube Hürlimann**

Bahnhofplatz, Zürich



Bezugsquellennachweis: E. Schlatter, Neuchâtel

Fr. 3.40  
Fr. 5.60

4711  
**Sir**  
RASIERWASSER

So wohltuend nach jeder Rasur